


Vier Geistliche Reyen

Lieder / das erste / Nun kum herzu du
 junge Schar. Im thon / Wie man vmb
 Krenz singt. Das ander / Der Maye
 der Maye bringt vns der blümlein vil.
 Das dritte / Im thon / Zeint hebt sich
 an ein abendt Tanz. Das viert /
 Wie stehet jr hie vnd /c.

Auch darbey das Vatter vnser /
 in gesangs weise.



61



Li
Th

Q

interli

Wir
der bey
szuhelf
in ew

Der S
biten
biten
and

Er ist
wort

243
Ein Rehen Lied / im

Thon / wie man umb Brenz
singer.

W

Vn kumb herzu du
junge schar / vn̄ was
ich euch singe das
nempt war / Mit
frewden wölln wir
singen / Das frölich

thut erklingen.

Wir wölln preisen vnsern Gott/
Der bey vns stehet inn aller not / vnnd
ist zu helfen stäts bereit / Dem sey lob
ehr in ewigkeit.

Der solches lob vonn vnns begert/
wir biten in vnd werden gewert / was
wir bitten im namen sein / das gibt er
vns vnd kans allein.

Er ist ein Vatter gnediglich / seye
ne wort gehen nicht hinder sich / Alle

A ij was

was er vns verheissen hat/ dasselb be-
weist er mit der that.

Er gibt vns Kleider tranck vnd
speiß / vnd ernehret der erden kreis/
Mit seiner güt Barmhertzigkeit / tröst
er vnd hilfft zu rechter zeit.

Tun schaw herab auß deinem
thron / Herr Gott sich deine Kinder
an / Mit heller stim loben wir dich / zu
dir steht vnser zuuersicht.

Wie wol wir sein noch schwach vñ
lein / doch kennen wir dich Gott als
lein / Kein ander hilff die wissen wir /
in allem land ruffen wir zu dir.

Dann du bist starck mit deiner
hand / Du thust erhalten alle land / als
machstus nach dem willen dein / vnd
hilfft in in der not vnd pein.

O Vatter fromb von vns nit fer
zu

zu lob singen wir deiner ehre / dann vns
ser mut ist lobes vol / das gfelt dir inn
dem himel wol.

Vnd wenn es kem ein böser wicht /
So wolten wir in hören nicht / der vns
etwas wölt lehren / Das nicht wer deis
ner ehren.

Vnd wies dem willen wol gefelt /
vnd wie dein heilig Wort innhele /
Auff das wir leben dir zu lob / vnd ob
wir schon gehen zu boden drob.

Kemen in not vnd fehligkeit / So
sey dein Nam gebenedeit / Was sey dir
gesungen starcker Gott / vonn deiner
schwach vnd sehr jungen roit / die noch
nicht groß vermügens ist / der du ihr
trewer Vatter bist.

Hermannus Vulpins.

Ein ander reyen Lied.

A ij Der



Er Maye der maye bringe
vns der Blümlein vil/ Ich
trage ein frey gemüte/ Got
weiß wol wem ichs wil/
Gott weiß wol wem ichs
wil.

Ich wils Christo dem Herren / der
vns er Heiland ist/ Er tregt das Creutz
für vns er sünd/ ja wieman von jm list,
wie man von jm list.

Wir waren all gefangen / im todt
waren wir verlorn/ die Sünd die quelt
vns tag vnd nacht / darinn wir waren
geborn/ darinn wir waren geborn.

Vnd niemand kan vnns helffen/
dann diser Herr allein / ist vns zu gut
geborn / von einer Junckfraw rein/
von einer Junckfraw rein.

Vnd ist für vns gestorben/ Außer
standen vom Todt/ hat vns das Heil
erwor

erworben / geholffen auß der not / ges
holffen auß der not. 245

Er hat das Gesetz erfüllet / das vns
so hart verklagt / vnnnd hat das fünck
lein gestillet / das vnser gwissen nagt /
das vnser gwissen nagt.

Er ist der weg das liecht die pfort /
die warheit vnd das leben / Er ist des
Vatters ewigs wort / den er vnns hat
gegeben / den er vns hat gegeben.

Hat den todt vberwunden / die Zell
gerissen ein / Die Sünd hat er ver
schlungen / geholffen auß der pein / ge
holffen auß der pein.

Er will die nit verlassen / die an ihn
glauben seind / das hat er vns verspro
chen / dann wir sein Kinder seind / dan
wir sein Kinder seind.

Dumb wer ihm kan vertrauen /
A iij verlesß

verlest er nimmer mehr / Dem selben
vnserm Herren / dem sey preis lob vnd
ehz / in ewigkeit biß her.

Jacob Bliieber.

Der xxiiij. Psalm / inn
dem Thon / Heint hebt sich ein
abend Tanz.

Es weiß der HERR der ist
mein Hirt / Ich weiß der
HERR der ist mein Hirt /
Alle / Derhalb mir gar
nichts mangeln wird / Al
le / derhalb mir gar nichts
mangeln wirt.

Er weidet mich auff grüner Aw /
er weidet mich auff grüner Aw / Alle /
er füret mich zum wasser thaw / Alle /
er füret mich zum wasser thaw.

Er fürt mein Seel die rechten straf
Er

Er führt mein Seel die rechten strass/
Alle / vmb seinet willen will er mich
nit verlassen / Alle / vmb seinet willen
wiler mich nit verlassen.

Vnd ob ich wer im finstern thal/
vnd ob ich wer im finstern thal / Alle/
fürcht ich kein vnglück vberal / Alle/
fürcht ich kein vnglück vberal.

Dann du bist bey mir ewigklich/
dann du bist bey mir ewigklich / Alle/
dein stab vnd stecken trösten mich / Alle/
dein stab vnd stecken trösten mich.

Den Tisch hastu vor mir bereit / den
Tisch hast du vor mir bereit / Alle / all
meinen feinden in zu leid / Alle / all mei
nen feinden in zu leid.

Mit öl salbst du das haupt mein/
mit öl salbstu das haupt mein / Alle/
vnd schenckest mir die fülle ein / Alle/
vnd schenckest mir die fülle ein.

A v Nun

Nun singt jr Kinder mit grossen
schall/Nun singt jr Kinder mit gros-
sem schall/Alle/das es dem HERN
wol gefall/Alle/das es dem Her. 2c.

Dem Gott sey Glori ehr vnd lob/
dem Gott sey Glori ehr vnd lob / Alle/
der allen dingen schwebet ob/Alle/der
allen dingen schwebet ob.

Der vns'all sampt erschaffen hat/
Der vnns all sampt erschaffen hat/Alle/
le/der vns ernehrt vnd gibt vns weyd/
Alle/der vns ernehrt vnd weid.

Lob sey Christo vnserm Heylande/
Lob sey Christo vnserm Heiland/Alle/
der vns erlöst auß Helle band / Alle/
der vns erlöst auß Helle band.

Lob vñ ehr sey dem heiligen Geist/
Lob vnd ehr sey dem heiligen Geist/
Alle/er gibt vns das wort vnd auch
die ehr/Alle/er gibt vns das wort. 2c.

Nun

247
Nun singt jr Kinder vnd seyt gar
fro / Nun singt jr Kinder vnd seit gar
fro / Alle / vnser erlösung ist nahe do /
Alle / vnser erlösung ist nahe do.

Jacob Klieber.

Ein ander Reyen Lied /
vom Gesetz vnd Euangelio.

W

Je stehet jr hie vnd
secht mich an / Wie
stehet jr hie vnd secht
mich an / Ir meinert
ich sol ewer vorsinger
rin sein / jr meinert ich
sol ewer vorsingerin sein.

Sol ich dan singen so hört mir fleis-
sig zu / Sol ich dann singen so hört mir
fleissig zu / im Gesetz ist weder rast noch
rhu / im Gesetz ist weder rast noch rhu.

Das

Das Gſetz richt nichts denn zoren
an / Das Gſetz richt nichts dann zoren
an / Vnnd kein Menſch lebt ders
halten kan / Vnnd kein Menſch lebt
ders halten kan.

Nun muß es doch erfüllet ſein / nu
muß es doch erfüllet ſein / Darumb
ſchickt Gott ſein Son herein / Dar
umb ſchickt Gott ſein Son herein.

Der ſelb iſt worden vnſer ſchüldt/
der ſelb iſt worden vnſer ſchüldt / Er
hat des Vatters zorn geſtilt / Er hat
des Vatters zorn geſtilt.

Er hat dem Gſetz genug gehan / er
hat dem Gſetz genug gethan für jes
derman ders glauben kan / für jeders
man ders glauben kan.

Es hat in gekoſt ſein Roſenfarbes
blut. Es hat in gekoſt ſein Roſenfar
bes blut / Am Creutz trug alles vns zu
gut / Am Creutz trug alles. &c.

248
Dem saget danck inn Ewigkeit /
Dem saget danck in ewigkeit / Das er
vns bhüt vor allemleid / Das er vnns
bhüt vor allem leid.

Jacob Klieber.

Das Vatter vnser.



Vatter vnser der du bist/
Kyrieleyson / gib vnns
zu erkenen Jesum Christ
Vater mein / erbarm dich
vnser auff erden / das wir
deine liebe Kinder werden.

Vatter verleih vns ware rew / Ky-
rieleyson / vnd theil vns mit dein Vats-
terliche trew / Vatter mein / Erbarm
dich vnser auff erden / das wir deine
lieben Kinder werden.

Gehelliger werde dein Göttlicher
NAM

nam / Kyrieleison / dein heiligs wort
werd vns bekandt. Vatter mein / Er-
barm dich vnser auff Erden / das wir
deine lieben Kinder werden.

Zukumb vnns dein heiliges Reich /
Kyrieleison / hilff das wir deine erben
sein / Vater mein / Erbarm dich vnser
auff erden / das wir deine lieben Kin-
der werden.

Dein wil gescheh an vns so schon /
Kyrieleison / auff erden als in Himels
thron / Vatter mein / Erbarm dich vn-
ser auff Erden / das wir deine lieben
Kinder werden.

Hilff vns auß der sünden not / Ky-
rieleyson / gib vnns heut das tegliche
Brod. Vatter mein / Erbarm dich vn-
ser auff Erden / Das wir deine lieben
Kinder werden.

Verzeihe vns Vatter vnser schuld /
Kyrie

Zyrieleyson / vnnnd theil vns mit dein
s öttliche huld / Vatter mein / erbarm
ich vnser auff Erden / das wir deine
lieben Kinder werden.

Als wir auch vnsern schuldigern
hon / Zyrieleyson / Laß vns nit in vers
ichung stan / Vatter mein / Erlöse
vns vom vbel Amen / das wir zu dei
ner gnaden kommen.

Dann dein ist das Reich vnnnd die
krafft / Zyrieleyson / die herrligkeit / vn
alle macht / Vatter mein / Erbarm
dich vnser auff erden / das wir deine lie
ben Kinder werden.

Gedruckt zu Nürnberg /
durch Valentin
Newber.

Faint, illegible text at the top of the page, possibly a header or title.

Second block of faint, illegible text.

Third block of faint, illegible text.

Fourth block of faint, illegible text.

Fifth block of faint, illegible text at the bottom of the page.

Ein
led
ngen v
in trüb
Zil

No 1
atus h